

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona”, broj: 7/10) a u skladu sa članom 46. Zakona o izvršenju Budžeta Zeničko-dobojskog kantona za 2018. godinu (“Službene novine Zeničko-dobojskog kantona”, broj: 1/18), na prijedlog Ministarstva zdravstva, Vlada Zeničko-dobojskog kantona, na 1. sjednici, održanoj dana 10.04.2019. godine, d o n o s i

ZAKLJUČAK

o usvajanju Izvještaja o utrošku sredstava po Programu utroška sredstava planiranih u Budžetu Zeničko-dobojskog kantona za 2018. godinu na poziciji „Tekući transferi drugim nivoima vlasti i drugi tekući rashodi“ Ministarstva zdravstva

I.

Usvaja se Izvještaj o utrošku sredstava po Programu utroška sredstava planiranih u Budžetu Zeničko-dobojskog kantona za 2018. godinu na poziciji „Tekući transferi drugim nivoima vlasti i drugi tekući rashodi“ Ministarstva zdravstva i čini sastavni dio ovog zaključka.

II.

Zaključak stupa na snagu danom donošenja.

Broj: 02-_____/19
Datum, 10.04.2019. godine
Z e n i c a

PREMIJER

Mirza Ganić

DOSTAVLJENO:

1x Ministarstvo zdravstva,
1x Ministarstvo finansija,
1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZDRAVSTVA**

**IZVJEŠTAJ O UTROŠKU SREDSTAVA PO PROGRAMU UTROŠKA SREDSTAVA
PLANIRANIH U
BUDŽETU ZENIČKO-DOBOJSKOG KANTONA ZA 2018. GODINU
NA POZICIJI
„TEKUĆI TRANSFERI DRUGIM NIVOIMA VLASTI I DRUGI TEKUĆI
RASHODI“ MINISTARSTVA ZDRAVSTVA**

Zenica, mart 2019. godine

I UVOD

Članom 33. stav (1) Zakona o izvršavanju Budžeta Zeničko-dobojskog kantona za 2018. godinu „(Službene novine Zeničko-dobojskog kantona”, broj: 1/18) propisano je da se sredstva utvrđena u razdjelu 21- budžetska organizacija 01, potrošačka jedinica 0001 Budžeta Ministarstvo zdravstva - Pozicije „Tekući transferi drugim nivoima vlasti” i „Tekući transferi neprofitnim organizacijama” koriste prema programima koje donosi Vlada Kantona.

Članom 55. stav (2) navedenog Zakona, propisana je obaveza resornih ministarstava da jednom godišnje izvjestie Vladu Zeničko-dobojskog kantona o namjenskoj upotrebi odobrenih sredstava i postignutim efektima iz aktivnosti koje su tim sredstvima finansirane.

Vlada Zeničko-dobojskog kantona, na prijedlog Ministarstva zdravstva u 2018. godini usvojila je:

- Zaključak o usvajanju Programa utroška sredstava planiranih u Budžetu Zeničko-dobojskog kantona za 2018. godinu, na poziciji „Tekući transferi drugim nivoima vlasti i drugi tekući rashodi“ Ministarstva zdravstva, broj: 02-14-5339/18 od 26.03.2018. godine (u daljem tekstu Program) u iznosu od 1.618.500,00 KM.
- Zaključak o usvajanju Programa utroška sredstava planiranih u Budžetu Zeničko-dobojskog kantona za 2018. godinu na poziciji „Tekući transferi drugim nivoima vlasti i drugi tekući rashodi“ Ministarstva zdravstva, broj: 02-14-9243/18 od 01.06.2018. godine kojim se stavlja van snage zaključak broj: 02-14-5339/18 od 26.03.2018. godine.

Novim Programom planirana sredstva su smanjena sa 1.618.500,00 KM na 1.548.500,00KM, pri čemu su planirana sredstva za „Tekući transfer za deratizaciju“ u iznosu od 100.000,00 KM preusmjerena na izdatke za komunalne usluge, a „Tekući transfer za Kantonalni zavod za medicinu rada i sportsku medicinu-zdravstvena zaštita sportista uvećan je za 30.000,00 KM, uz istovremenu izmjenu strukture ulaganja po osnovu „Tekućeg transfera za Kantonalnu bolnicu Zenica“.

- Zaključak o usvajanju Izmjena Programa utroška sredstava planiranih u Budžetu Zeničko-dobojskog kantona za 2018. godinu na poziciji „Tekući transferi drugim nivoima vlasti i drugi tekući rashodi“ Ministarstva zdravstva, broj: 02-14-18395/18 od 21.12.2018. godine u iznosu od 1.398.740,00KM, pri čemu su smanjena planirana sredstva na poziciji „Tekući transfer za Kantonalnu bolnicu Zenica“ za 149.760,00KM.

II RAZLOZI ZA DONOŠENJE NOVIH I IZMJENA POSTOJEĆEG PROGRAMA UTROŠKA SREDSTAVA

Nakon usvajanja Programa od 26.03.2019. godine nastupile su okolnosti koje su zahtjevale donošenje novog Programa iz sljedećih razloga:

- Ured za razmatranje žalbi, Filijala Mostar, rješavajući po žalbi „Sanitacija“ d.o.o. Sarajevo, koja je izjavljena protiv Naredbe ugovornog tijela Ministarstva zdravstva Zeničko-dobojskog kantona o provođenju obavezne preventivne sistematske deratizacije na području Zeničko-dobojskog kantona - proljetna faza 2017. godine, donio je Rješenje broj: JN2-03-07-1-123-9/18 od 15.03.2018. godine, kojim je utvrđeno da je Ministarstvo zdravstva, za usluge obavljanja preventivne sistematske deratizacije, dužno provesti

postupak u skladu sa Zakonom o javnim nabavkama („Službeni glasnik Bosne i Hercegovine“, broj: 39/14).

Na prijedlog Ministarstva zdravstva donesena je Odluka o preraspodjeli sredstava u Budžetu Zeničko-dobojskog kantona za 2018. godinu, broj: 07-03-01/14-1643-3-1/18 od 09.04.2018. godine, za budžetskog korisnika Ministarstvo zdravstva- budžetska organizacija 21010001 na način da se sredstva planirana na poziciji „Tekući transfer za deratizaciju“, ekonomski kod 614100, subanalitika LAX002, u iznosu 100.000,00 KM preusmjeravaju na poziciju 613300 - „Izdaci za komunalne usluge“.

- JU Kantonalna bolnica Zenica je dopisom broj: 20/1-4349 od 19.04.2018. godine tražila izmjenu Programa utroška sredstava u dijelu koji se odnosi na „Tekući transfer za Kantonalnu bolnica Zenica“ iz razloga što je u Budžetu za 2018. godinu bilo neophodno obezbjediti sredstva za plaćanje PDV-a za realizaciju projekta „Poboljšanje energetske efikasnosti u JU Kantonalna bolnica Zenica“, koji će se finansirati iz kreditnih sredstava EBRD-a. Projicirana sredstva za ove namjene u 2018. godini iznosila su cca 100.000,00 KM.
- Zbog nedovoljno planiranih sredstava za finansiranje zdravstvene zaštite sportista, Ministrstvo finansija, na prijedlog Ministarstva zdravstva donijelo je Odluku o preraspodjeli sredstava u Budžetu Zeničko-dobojskog kantona broj: 07-03/14-1643-4-1/18 od 18.05.2018.godine kojom su preusmjerena sredstva sa pozicije „Kapitalni transferi drugim nivoima vlasti- za zdravstvo“ na poziciju „Tekući transfer za Kantonalni zavod za medicinu rada i sportsku medicinu - zdravstvena zaštita sportista“, te je u tom smislu izvršena korekcija dijela Programa koji se odnosi na ovaj transfer.

Uzimajući u obzir navedeno, na prijedlog Ministarstva zdravstva, Vlada Zeničko-dobojskog kantona je Zaključkom broj: 02-14-9243/18 od 01.06.2018. godine donijela novi Program utroška sredstava planiranih u Budžetu Zeničko-dobojskog kantona za 2018. godinu, na poziciji „Tekući transferi drugim nivoima vlasti i drugi tekući rashodi“ Ministarstva zdravstva, a Program od 26.03.2018. godine stavila van snage.

Navedenim Programom ukupan iznos planiranih sredstava na godišnjem nivou na poziciji „Tekući transferi drugim nivoima vlasti“ iznosio je 1.538.500,00 KM, a na poziciji „Tekući transferi neprofitnim organizacijama“ 10.000,00 KM.

JU Kantonalna bolnica Zenica je dopisom broj: 20/1-12729 od 23.11.2018. godine tražila izmjenu Programa iz sljedećih razloga:

- Planirana sredstva za održavanje i servisiranje opreme (full servis) u Službi za onkologiju i radioterapiju (222.300,00 KM) nisu realizovana, te je bilo neophodno promijeniti svrhu nabavke, odnosno u Program uključiti nabavke koje se odnose na tekuće održavanje, a za koje su postupci javnih nabavki okončani, s ciljem postizanja većeg postotka izvršenja na kraju godine.
- Istovremeno se ukazala potreba za hitnom nabavkom rezervnog dijela za aparat Linearni akcelerator Compact proizvođača Elekta na Odjelu onkologije i radioterapije, čija vrijednost prema ponudi ponuđača „Medpoint“ d.o.o. Sarajevo je iznosila 119.637,18 KM (kapitalni transfer).
- Realizacija projekta „Poboljšanje energetske efikasnosti u JU Kantonalna bolnica Zenica“,

nije bila u fazi u kojoj bi bilo potrebno obezbjeđenje sredstava za plaćanje PDV-a, tako da su se planirana sredstva u 2018. godini mogla preusmjeriti u druge svrhe. Navedena sredstva su preusmjerena na kapitalne transfere za JU Kantonalna bolnica Zenica.

Vlada Zeničko-dobojskog kantona donijela je Odluku o preraspodjeli rashoda u Budžetu Zeničko-dobojskog kantona za 2018. godinu, broj: 02-14-18384/18 od 21.12.2018. godine, kojom su sredstva sa pozicije „Tekući transfer za JU Kantonalna bolnica Zenica preusmjerena na poziciju „Kapitalni transferi drugim nivoima vlasti-za zdravstvo“ u iznosu od 149.760,00 KM. Uzimajući u obzir ovu Odluku planirana sredstva na poziciji Tekući transfer za Kantonalnu bolnica Zenica“ iznosila su 1.000.240,00 KM.

Navedena Odluka je bila osnov za donošenje Zaključka o usvajanju Izmjena Programa utroška sredstava planiranih u Budžetu Zeničko-dobojskog kantona za 2018. godinu na poziciji „Tekući transferi drugim nivoima vlasti i drugi tekući rashodi“ Ministarstva zdravstva, broj: 02-14-18395/18 od 21.12.2018. godine. Izmjenama Programa ukupno planirana sredstva na poziciji „Tekući transferi drugim nivoima vlasti“ iznose 1.388.740,00 KM, a planirana sredstva na poziciji „Tekući transferi neprofitnim organizacijama“ iznose 10.000,00 KM.

III UTROŠAK SREDSTAVA „TEKUĆI TRANSFERI DRUGIM NIVOIMA VLASTI planirana sredstva u iznosu 1.608.500,00KM)

Ukupno utrošena sredstva za tekuće transfere drugim nivoima vlasti u 2018. godini iznose 1.383.679,00 KM, što je 86% planiranih sredstava u Budžetu Zeničko-dobojskog kantona, a za 184.672,00 KM manje u odnosu na uporednu godinu.

Ukoliko se uzmu u obzir odluke o preraspodjelama sredstava, koje su donesene u skladu sa Zakonom o izvršavanju Budžeta Zeničko-dobojskog kantona za 2018. godinu, ukupni troškovi po osnovu tekućih transfera drugim nivoim avlasti ostvareni su u 99,6%-tnom iznosu.

U sljedećoj tabeli dat je pregled utrošenih sredstava po osnovu pojedinačnih tekućih transfera:

Ekon. kod	Subana litika	Tekući transferi	Budžet 2018. godine	Budžet sa odlukama o preraspodjel i sredstava	Izvršenje 2017. godine	Izvršenje 2018. godine	% izvrše nja
1	2	3	4	5	6	7	8 (7/4)
614100	LAX 001	Tekući transfer za nabavku vakcina	70.000,00	70.000,00	57.669,00	64.939,00	93
614100	LAX 002	Transfer za deratizaciju	100.000,00	0	90.000,00	0	-
614100	LAX 005	Tekući transfer za Kantonalni zavod za bolesti ovisnosti	120.000,00	120.000,00	108.000,00	120.000,00	100
614100	LAX 007	Tekući transfer za Kantonalni zavod za medicinu rada i sportsku medicinu	26.000,00	26.000,00	24.000,00	26.000,00	100
614100	LAX 008	Tekući transfer za Institut za zdravlje i sigurnost hrane Zenica	62.500,00	62.500,00	62.500,00	62.500,00	100

614100	LAX 010	Tekući transfer za Kantonalnu bolnicu Zenica	1.150.000,00	1.000.240,00	1.143.317,00	1.000.240,00	87
614100	LAX 011	Tekući transfer za Kantonalni zavod za medicinu rada i sportsku medicinu-zdravstvena zaštita sportaša	80.000,00	110.000,00	75.000,00	110.000,00	138
614100		Transfer općinama	0	0	7.865,00	0	-
	Ukupno		1.608.500,00	1.388.740,00	1.568.351,00	1.383.679,00	86

Treba napomenuti da u 2018. godini nije bilo izvršenja na poziciji „Tekući transfer za deratizaciju“, što je obrazloženo u uvodnom dijelu.

**1. Tekući transfer za nabavku vakcina
(ekonomski kod 614100, subanalitika LAX 001)- planirana sredstva u iznosu 70.000,00 KM**

Ukupni troškovi po osnovu tekućeg transfera za nabavku vakcina u 2018. godini iznose 64.938,74 KM i za 7,00% su manji od planiranih sredstava.

Odlukom Vlade Zeničko-dobojskog kantona, broj: 11-14-15827/18 od 19.10.2018. godine, odobrena su sredstva u iznosu od 70.000,00 KM za sljedeće nabavke:

- vakcina protiv bjesnila (Verorab) u iznosu od 11.200,00 KM,
- seruma za antirabičnu zaštitu (Kamrab) u iznosu od 4.900,00 KM i
- vakcina protiv sezonske gripe (Vaxigrip) u iznosu od 53.900,00 KM.

Nabavku vakcina u skladu sa navedenom odlukom izvršio je JU Institut za zdravlje i sigurnost hrane Zenica. Nakon provedenog postupka javne nabavke zaključen je Okvirni sporazum za nabavku inaktivisane purifikovane vakcine protiv bjesnila pripremljene na veroćelijama (Verorab) sa dobavljačem „Pharma Maac“ d.o.o. Sarajevo. Ukupna vrijednost okvirnog sporazuma sa uračunatim iznosom poreza na dodatnu vrijednost iznosi 11.180,52 KM za 400 doza vakcina.

Sa dobavljačem „Pharma Maac“ d.o.o. Sarajevo zaključen je Okvirni sporazum za nabavku vakcina protiv virusa gripe za sezonu 2018/2019. Ukupna vrijednost okvirnog sporazuma sa uračunatim iznosom poreza na dodatnu vrijednost iznosi 53.758,22 KM za 3760 doza vakcina Vaxigrip tetra 1x 0,5 ml.

Obaveze prema JU Institut za zdravlje i sigurnost hrane Zenica po ovom osnovu izmirene su 24.12.2018. godine.

**2. Tekući transfer za Kantonalni zavod za bolesti ovisnosti
(ekonomski kod 614100, subanalitika LAX 005) - planirana sredstva u iznosu 120.000,00 KM**

Iz Budžeta Zeničko-dobojskog kantona za 2018. godinu izdvojeno je 120.000,00 KM za redovno finasiranje Zavoda za bolesti ovisnosti Zeničko-dobojskog kantona, što je u visini planiranih sredstava za posmatrani period i za 11,1% ili 12.000,00 KM više u odnosu na prethodnu godinu. Prihodi iz Budžeta Zeničko-dobojskog kantona učestvuju sa 6,3% u

ukupnim prihodima ove zdravstvene ustanove.

Prema podacima iz finansijskih izvještaja, ukupni prihodi Zavoda za bolesti ovisnosti Zeničko-dobojskog kantona u 2018. godini iznose 1.895.093,00 KM, a ukupni rashodi 1.789.724,00 KM, odnosno ostvaren je pozitivan finansijski rezultat u iznosu 105.369,00 KM.

Ukupni prihodi su u odnosu na prethodnu godinu veći za 10,8% ili 184.903,00 KM, dok su ukupni rashodi veći za 8,9% ili 145.783,00 KM.

Najveći dio prihoda Zavod za bolesti ovisnosti Zeničko-dobojskog kantona ostvaruje po osnovu prihoda od Zavoda zdravstvenog osiguranja Zeničko-dobojskog kantona (1.221.091,00 KM ili 64,4% ukupnih prihoda). Navedeni prihodi bilježe rast od 13,6% u odnosu na prethodnu godinu. Pored prethodno navedenih prihoda Zavod je u 2018. godini ostavrio prihode po sljedećem osnovu:

Vrsta prihoda	Iznos	Index	Učešće u ukupnim prihodima u %
Prihodi od usluga ostalim korisnicima-kantonima	230.394,00	106,9	12,2
Namjenski prihodi iz KZZO za finansiranje nabavke metadona i suboxona	290.119,00	158,7	15,3
Ostali prihodi	33.489,00	116,1	1,8

Treba napomenuti da je u prethodnim godinama metadonska terapija bila finansirana sredstvima UNDP-a, a u 2018. godini je nabavka metadona i suboxona finansirana sredstvima Zavoda zdravstvenog osiguranja Zeničko-dobojskog kantona.

Troškovi nabavke metadona i suboxona, koji se nabavljaju iz namjenski ostvarenih prihoda od Zavoda zdravstvenog osiguranja, iznose 290.119,00 KM ili 16,2% ukupnih rashoda (namjenski rashodi jednaki su ostvarenim prihodima za namjensku nabavku).

Izdvajanja za plaće sa doprinosima, naknade uposlenim za topli obrok i regres čine 67,6% ukupnih rashoda, a ako se izuzmu namjenski rashodi taj procenat je 80,7 %.

U strukturi ukupnih rashoda najveći dio (62,9%) se odnosi na idatke za plaće sa doprinosima koji iznose 1.125.144,00 KM i za 15,9 % su veći u odnosu na prethodnu godinu.

Troškovi isplate toplog obroka uposlenim iznose 69.976,00 KM (index 104,0) i u ukupnim rashodima učestvuju sa 3,9%, a na isplaćeni regres se odnosi 15.540,00 KM (index 105,0) ili 0,9% ukupnih rashoda.

U strukturi ukupnih rashoda na sve ostale rashode odnosi se 288.945,00 KM ili 16,1%, a značajniji rashodi u okviru ovih rashoda su: troškovi ishrane pacijenata u Detox-u (33.374,00 KM ili 1,9%), troškovi zakupa prostora (29.149,00 KM ili 1,6%), zaštitarske usluge (17.184,00 KM ili 1,0 %), naknade članovima Upravnog odbora (15.337,00 KM ili 0,9%), troškovi lijekova za Detox (13.821,00 KM ili 0,8%), troškovi električne energije i grijanja (11.956,00 KM ili 0,7%), troškovi dijagnostičkih usluga JU Kantonalna bolnica Zenica (11.774,00 KM ili 0,7%) i troškovi amortizacije (16.205,00 KM ili 0,9%).

Vlada Zeničko-dobojskog kantona, cijeneći značaj ove zdravstvene ustanove, svake godine u Budžetu planira određena sredstva za redovno finansiranje Zavoda za bolesti ovisnosti Zeničko-dobojskog kantona. Sredstva se transferišu u jednakim mjesečnim ratama.

Neizmirene obaveze sa stanjem 31.12.2018. godine prema ovoj zdravstvenoj ustanovi iznose 10.000,00 KM i odnose se na decembarsku tranšu.

3. Tekući transfer za Kantonalni zavod za medicinu rada i sportsku medicinu (ekonomski kod 614100 subanalitika LAX 007)- planirana sredstva u iznosu 26.000,00KM

Prema standardima i normativima zdravstvene zaštite iz obaveznog zdravstvenog osiguranja („Službene novine Federacije BiH”, broj: 82/14 i 58/18), finasijska sredstva za javno-zdravstvenu djelatnost medicine rada na području Zeničko-dobojskog kantona obezbjeđuju se iz sredstava Zavoda zdravstvenog osiguranja Zeničko-dobojskog kantona (85%), a ostatak iz sredstava Budžeta Zeničko-dobojskog kantona.

Radni tim se osigurava na 50.000 zaposlenih gravitirajućeg područja, a sastav tima je sljedeći: 1 dr. med. spec. medicine rada, 1 medicinska sestra /tehničar prvi ciklus VSS ili VŠS VI stepen i 1 medicinska sestra /tehničar SSS.

Godišnja naknada za vrijednost rada tima iznosi 123.000 bodova.

Ukupni prihodi Zavoda za medicinu rada i sportsku medicinu Zeničko-dobojskog kantona namijenjeni finansiranju javno-zdravstvene djelatnosti medicine rada iznose 184.605,00 KM, što predstavlja 6,5% ukupnih prihoda ove zdravstvene ustanove ostvarenih u 2018. godini.

Iz Budžeta Zeničko-dobojskog kantona za finansiranje javno-zdravstvene djelatnosti medicine rada izdvojeno 26.000,00 KM, a iz sredstava Zavoda zdravstvenog osiguranja 158.605,00 KM.

Prema Izvještaju Zavoda za medicinu rada i sportsku medicinu Zeničko-dobojskog kantona za 2018. godinu, ukupni troškovi finansiranje javno-zdravstvene djelatnosti medicine rada odnosese se na bruto primanja zaposlenih 149.970,00 KM ili 81,2%, troškove materijala 15.430,00 KM ili 8,4%, troškove amortizacije 11.128,00 KM ili 6,0%, troškove održavanja opreme, kalibracija, certifikacija i sl. 4.755,00,00 KM ili 2,6%, režijske troškove (enrgenti, voda, plin, gorivo i sl.) 2.880,00 KM ili 1,6% i ostale troškove poslovanja 442,00 KM ili 0,2%.

Zavod za medicinu rada i sportsku medicinu Zeničko-dobojskog kantona učestvuje u realizaciji sljedećih programskih zadataka iz oblasti javno-zdravstvene djelatnosti medicine rada:

- **Prikupljanje i obrada statističkih podataka o absentizmu na nivou Zeničko-dobojskog kantona u saradnji sa Kantonalnim zavodom zdravstvenog osiguranja**
Problem bolovanja na nivou Zeničko-dobojskog kantona je aktuelan i društveno važan problem. Komisija za kontrolu privremene sprečenosti za rad preko 42 dana vršila je redovno izvještavanje Zavoda zdravstvenog osiguranja Zeničko-dobojskog kantona o broju posjeta u cilju kontrole bolovanja, te broju zaključenih bolovanja.
- **Prikupljanje i obrada statističkih podataka o absentizmu u period obrade za IK**
Zavod za medicinu rada i sportsku medicinu je obavezan da, po isteku svakih šest mjeseci pismeno izvjesti Zavod zdravstvenog osiguranja Zeničko-dobojskog kantona o rezultatima rada i broju obrađenih osiguranih lica koja su stekla uslove za upućivanje na Institut za medicinsko vještačenje zdravstvenog stanja. Ukupan broj ambulantno obrađenih pacijenata u 2018. godini je 803 i isti su upućeni na IK, od čega je do 31.12.2018. godine ocijenjeno 460 pacijenata, a nije ocijenjeno 343 pacijenata.

- **Identifikacija i procjena štetnih rizika po zdravlje na radnom mjestu**

Zavod za medicinu rada i sportsku medicinu je stručno osposobljen da radi na procjeni štetnih rizika po zdravlje putem Službe za higijenu rada, angažmanom ljekara specijaliste medicine rada sa subspecijalizacijom iz kliničke toksikologije i podrškom toksikološkog i mikrobiološkog laboratorija. Pored zahtijeva firmi sa područja Zeničko-dobojskog kantona za identifikacijom i procjenom štetnih rizika po zdravlje, vršena su mjerenja uke u ugostiteljskim objektima, a na zahtjev inspektora, vlasnika klubova ili sudova.

- **Edukacija zdravstvenih radnika iz domena medicine rada i profesionalne patologije,**
- **Profesionalna orijentacija i nova zanimanja i tehnologije rada,**
- **Promocija zdravlja - zdravstveni odgoj i**
- **Osposobljavanje zaposlenika za pružanje prve pomoći.**

4. Tekući transfer za Kantonalnu bolnica Zenica

(ekonomski kod 614100 subanalitika LAX 010)- planirana sredstva u iznosu 1.150.000,00 KM

Budžetom Zeničko-dobojskog kantona za 2018. godinu po osnovu tekućeg transfera za Kantonalnu bolnica Zenica planirana su sredstva na godišnjem nivou u iznosu od 1.150.000,00 KM, a utrošena su u iznosu od 1.000.240,40 KM, što je 87,0% planiranih sredstava, a za 12,5% manje u odnosu na prethodnu godinu.

Vlada Zeničko-dobojskog kantona donijela je Odluku o preraspodjeli rashoda u Budžetu Zeničko-dobojskog kantona za 2018. godinu, broj: 02-14-18384/18 od 21.12.2018. godine, kojom su sredstva sa pozicije „Tekući transfer za Kantonalnu bolnica Zenica“ preusmjerena na poziciju „Kapitalni transferi drugim nivoima vlasti-za zdravstvo“ u iznosu od 149.760,00 KM, tako da planirana sredstva uključujući navedenu odluku iznose 1.000.240,00 KM.

Navedena Odluka je bila osnov za donošenje Zaključka o usvajanju Izmjena Programa utroška sredstava planiranih u Budžetu Zeničko-dobojskog kantona za 2018. godinu na poziciji „Tekući transferi drugim nivoima vlasti i drugi tekući rashodi“ Ministarstva zdravstva, broj: 02-14-18395/18 od 21.12.2018. godine.

Na prijedlog Ministarstva zdravstva, Vlada Zeničko-dobojskog kantona je u 2018. godini donijela sljedeće odluke o odobravanju sredstava u ukupnom iznosu od 1.000.240,00 KM:

Red. Br.	Svrha odobravanja sredstava	Broj Odluke o odobravanju sredstava	Iznos u KM odobren Odlukom	Dobavljač	Izvršenje 2018. godina	Stanje obaveza na dan 31.12.2018. godine
1.	Odluka o odobravanju sredstava za usluge održavanja medicinske opreme proizvođača "Siemens" u Službi za rdiologiju	02-14-8086/18 od 14.05.2018. godine	451.450,32	„Siemens“ d.o.o. Sarajevo	451.450,32 12*37.620,86	37.620,86
2.	Odluka o odobravanju sredstava za usluge održavanja transfuzijskog informacionog sistema	02-14-8087/18 od 14.05.2018. godine	22.323,60	„Wizard Computer“ d.o.o.	22.323,60	-

	Renovatio			Mostar		
3.	Odluka o odobravanju sredstava za usluge održavanja laboratorijskog informacionog sistema RGB Analysis	02-14-8088/18 od 14.05.2018. godine	20.358,00	„Wizard Computer“ d.o.o. Mostar	20.358,00	-
4.	Odluka o odobravanju sredstava za usluge održavanja BIS-a Modul Hemodijaliza	02-14-8091/18 od 14.05.2018. godine	20.028,12	„Wizard Computer“ d.o.o. Mostar	20.028,12	-
5.	Odluka o odobravanju sredstava za usluge održavanja, servisiranja i implementacije PACS/RIS sistema	02-14-8089/18 od 14.05.2018. godine	73.008,00	„Medit“ d.o.o. Sarajevo	73.008,00	-
6.	Odluka o odobravanju sredstava za usluge održavanja medicinske opreme proizvođača „Fressenius“	02-14-8090/18 od 14.05.2018. godine	42.120,00	„Fresenius medical care BH“ d.o.o. Sarajevo	42.120,00	-
7.	Odluka o odobravanju sredstava za održavanje i servisiranje softvera za Sektor za pravne poslove i Sektor za ekonomsko-finansijske poslove	02-14-8094/18 od 14.05.2018. godine	66.296,88	„Dalia“ d.o.o. Tuzla	66.296,88	-
8.	Odluka o odobravanju sredstava za održavanje medicinske opreme proizvođača „Philips“ i „Aloka“	02-14-8092/18 od 14.05.-2018. godine	14.663,00	„Medpoint“ d.o.o. Sarajevo	14.663,00	-
9.	Odluka o odobravanju sredstava za održavanje i servisiranje (full servis) medicinske opreme u Službi za onkologiju i radioterapiju	02-14-8093/18 od 14.05.2018. godine	115.830,00	„Siemens“ d.o.o. Sarajevo	115.830,00	-
10.	Odluka o odobravanju sredstava za tekuće održavanje zgrada i liftovskih postrojenja u 2018. godini i to: - molersko-farbarske usluge (44.012,12 KM) - održavanje liftovskih postrojenja (14.180,00 KM)	02-14-18498/18 od 21.12.2018. godine	58.192,12	„Colorex“ d.o.o. Mostar „Euro lifting“ d.o.o. Srebrenik	58.192,12	58.192,12
11.	Odluka o odobravanju sredstava za tekuće održavanje medicinske opreme i to: -preventivno i korektivno	02-14-18497/18 od 21.12.2018. godine	38.118,39	„Medpoint“ d.o.o. Sarajevo	38.118,39	38.118,39

	održavanje gama kamere „Picker“ (19.000,00 KM) - održavanje laboratorijskog listema (9.126,00 KM) - servisiranje i validacija mikrobiološkog kabineta (9.992,39 KM)			„Wizard Computer“ d.o.o. Mostar E meding“ d.o.o. Sarajevo		
12.	Odluka o odobravanju sredstava za tekuće održavanje u 2018. godini	02-14-18499/18 od 21.12.2018. godine	77.851,57	prema spisku faktura	77.851,57	77.851,57
	UKUPNO		1.000.240,40		1.000.240,40	211.783,34

Na dan 31.12.2018. godine obveze po „Tekućem transferu za Kantonalnu bolnicu Zenica“ iznose 211.783,34 KM, a odnose se na realizaciju odluka o odobravanju sredstava donesenih u decembru mjesecu i mjesečnu fakturu po osnovu održavanja medicinske opreme dobavljača „Siemens“ u Službi za radiologiju, što se vidi iz prethodnog tabelarnog pregleda. Navedene obaveze prema JU Kantonalna bolnica Zenica su izmirene u januaru 2019. godine.

U sljedećem pregledu dat je spisak faktura koje su finansirane Odlukom o odobravanju sredstava broj: 02-14-18499/18 od 21.12.2018. godine:

Red. br.	Dobavljač	Svrha odobravanja sredstava	Broj fakture	Iznos u KM
1.	„Proma“ d.o.o. Sarajevo	Rezervni dijelovi za preventivni servis respiratora	18-310-083	5.956,47
2.	„Medik Zagreb“ d.o.o.	Servis modula lithotrack power unite	ES5/1/4	5.589,76
3.	„Sedžan ingenering“ d.o.o. Sarajevo	Rezerni dio teleskop A22001A sa ugradnjom	VP-2018-485	5.511,40
4.	„Medpoint“ d.o.o. Sarajevo	Rezervni dijelovi za ultrazvuk Philips model Envisor	081-09/2018	4.549,68
5.	„Sedžan ingenering“ d.o.o. Sarajevo	Popravka teleskopa A22002A 4 mm 30°	2018-116	4.247,10
6.	JP Elektorprivreda BiH d.d. Sarajevo	Naknada za povećanje priključne snage	200448921	7.985,25
7.	„Medpoint“ d.o.o. Sarajevo	Napojna jedinica za UZV aparata Philips HD11	048-04/2018	3.769,91
8.		Servis sterilizatora	18-310-088	3.685,50

	„Proma“ d.o.o. Sarajevo	GETINGE		
9.	„Otto Technik“ d.o.o. Sarajevo	Održavanje medicinske opreme Drager	70/18	3.299,87
10.	„Ružić“ Vitez	Defektaža i popravak mašine Textima Fortema	145/18	3.252,60
11.	„Medit“ d.o.o. Sarajevo	Servis digitizera CR30-Xm	KIF-18-0162	3.189,42
12.	„Sedžan inženjering“ d.o.o. Sarajevo	Servisiranje aparata Bactec	VP-2018-294	3.042,00
13.	„Medical“ d.o.o. Mostar	Servisiranje EKG aparata GE MAC 5000	18-300-000009	2.925,00
14.	„Sono Medical“ d.o.o. Sarajevo	Servis aparata za anesteziju MINRAY model WATO EX 65S	VP-157/18	2.859,48
15.	„Otto Technik“ d.o.o. Sarajevo	Servis transportnog respiratora Oxylog 3000	50/18	2.440,27
16.	„Proma“ d.o.o. Sarajevo	Servis autoklava Getinge	18-310-082	2.283,61
17.	„Inel-BH“ d.o.o. Maglaj	Godišnji servis aparata AMICUS	EK-F-164-2018	2.228,85
18.	„Proma“ d.o.o. Sarajevo	Preventivni servis respiratora model SERVO I	18-310-084	2000,70
19.	„Medpoint“ d.o.o. Sarajevo	Rezervni dio sa ugradnjom za monitor UZV aparata HD11 proizvođača Philips	083-09/2018	1.872,00
20.	„Inel-med“ d.o.o. Mostar	Defektaža kvara, nabavka i ugradnja rezervnih dijelova, te popravka aparata za hemodijalizu SN 37858 I SN 23932	725-BBA-18-13	1.857,71
21.	„Euro lifting“ d.o.o. Zenica	Popravka velikog lifta	022/00784	1.573,65
22.		Defektaža kvara, nabavka i ugradnja rezervnih dijelova te	20-03/18.	1.474,20

	„Stubelj Co“ d.o.o.	servis kompresorskog aparata tipa TRUDBENIK 1010		
23.	„Otto Technik“ d.o.o. Sarajevo	Servis aparata za anesteziju Primus	41/18	1.406,22
24.	„Alfa-Med“ d.o.o. Tomislavgrad	Popravak pacijent monitora Schiller LCM	2018-002-00023	850,92
	UKUPNO			77.851,57

Članom 13. Zakona o zdravstvenoj zaštiti („Službene novine Federacije Bosne i Hercegovine“, broj: 46/10 i 75/13) propisano je da kanton osigurava sredstva za vršenje osnivačkih prava nad zdravstvenim ustanovama čiji je osnivač, a koji obuhvata investicijsko ulaganje i investicijsko i tekuće održavanje zdravstvenih ustanova - prostora, medicinske i nemedicinske opreme i prijevoznih sredstava, te informatizaciju zdravstvene djelatnosti.

Vlada Zeničko –dobojskog kantona je iz Budžeta Zeničko-dobojskog kantona za 2018. godinu izdvojila značajna sredstva za pokriće troškova tekućeg održavanja u JU Kantonalna bolnica Zenica, a u cilju poboljšanja uslova rada i podizanja kvaliteta zdravstvene zaštite stanovništva.

5. Tekući transfer za Kantonalni zavod za medicinu rada i sportsku medicinu-zdravstvena zaštita sportista (ekonomski kod 614100 subanalitika LAX 011)- planirana sredstva u iznosu 80.000,00 KM

Zakonom o zdravstvenoj zaštiti definisana je djelatnost sportske medicine, odnosno poslovi koji predstavljaju proširenje djelatnosti Zavoda za medicinu rada.

Iz Budžeta Zeničko-dobojskog kantona za 2018. godinu izdvojeno je 110.000,00 KM za finansiranje zdravstvene zaštite sportista, odnosno za 37,5 % više od planiranih sredstava za ove namjene, a na nivou planiranih sredstava, ukoliko se uzme u obzir Odluka o preraspodjeli sredstava u Budžetu Zeničko-dobojskog kantona za 2018. godinu broj: 07-03/14-1643-4-1/18 od 18.05.2018. godine, kojom su umanjena sredstva na kapitalnim transferima za zdravstvo za 30.000,00 KM, uz istovremeno uvećanje sredstva na poziciji „Tekući transfer za Kantonalni zavod za medicinu rada i sportsku medicinu - zdravstvena zaštita sportaša“. Treba napomenuti da je navedenom preraspodjelom sredstava krajnji korisnik sredstava ostao isti, obzirom da su sredstva opredijeljena za Zavod za medicinu rada i sportsku medicinu na poziciji kapitalnih transfera preusmjerena za finansiranje zdravstvene zaštite sportista.

Za zdravstvenu zaštitu sportista u 2018. godini izdvojeno je iz Budžeta za 35.000,00KM ili 46,7% više sredstava u odnosu na prethodnu godinu.

Stanje neizmirenih obaveza po ovom osnovu na dan 31.12.2018. godine iznosi 10.970,00KM, a odnosi se na mjesečnu ratu za decembar 2018. godine.

Naredbom o standardima i normativima zdravstvene zaštite iz obaveznog zdravstvenog osiguranja („Službene novine Federacije Bosne i Hercegovine“, broj: 82/14) bio je propisan način finansiranja zdravstvene zaštite sportista na način da se najmanje 50% sredstava za finansiranje programa rada tima specifične zdravstvene zaštite sportista obezbjeđuje izvan

sredstava obaveznog zdravstvenog osiguranja (budžet kantona i/ili opštine), a ostalo iz sredstava obaveznog zdravstvenog osiguranja (Zavoda zdravstvenog osiguranja Zeničko-dobojskog kantona).

Specifičnu zdravstvenu zaštitu sportista osigurava jedan radni tim na 100.000 osiguranih lica svih dobnih grupa, a sastav tima je sljedeći:

- 1 doktor medicine specijalista medicine rada i medicine sporta ili specijalista medicine rada sa posebnom edukacijom iz sportske medicine
- 0,5 medicinska sestra/tehničar sa završenim prvim ciklusom VSS ili VŠS VI stepen
- 1 medicinska sestra/tehničar SSS

Godišnja vrijednost naknade za program rada ovog tima iznosi 119.200 bodova.

Dana 25.07.2018. godine objavljena je Naredba o izmjenama i dopunama Naredbe o standardima i normativima zdravstvene zaštite iz obaveznog zdravstvenog osiguranja u Federaciji Bosne i Hercegovine („Službene novine Federacije Bosne i Hercegovine“, broj: 58/18), kojom nije obuhvaćena specifična zdravstvena zaštita sportista, a čija je primjena od 01.01.2019. godine.

Prema Izvještaju Zavoda za medicinu rada i sportsku medicinu Zeničko-dobojskog kantona ostvareni prihodi za finansiranje zdravstvene zaštite sportista u 2018. godini iznose ukupno 248.069,00 KM, od čega je po osnovu ugovora sa Zavodom zdravstvenog osiguranja Zeničko-dobojskog kantona ostvaren prihod od 138.069,00KM, a iz Budžeta Zeničko-dobojskog kantona 110.000,00 KM, uz napomenu da su izmjenjeni standardi i normativi zdravstvene zaštite primjenjeni za posljednji kvartal ove godine. Primjena izmjenjenih standarda i normativa zdravstvene zaštite može u budućem periodu imati negativne posljedice na finansiranje zdravstvene zaštite sportista, ukoliko se ne pronađu dodatni izvori finansiranja.

Djelatnost zdravstvene zaštite sportista obuhvata sljedeće aktivnosti:

1. Obavljanje prvih sistematskih pregleda
2. Pružanje stručno-savjetodavne pomoći - edukacija sportista, zdravstvenih radnika i saradnika, trenera, roditelja, rekreativaca, ljekara
3. Stručno osposobljavanje i stalna edukacija zdravstvenih radnika

Prema Izvještaju Zavoda za medicinu rada i sportsku medicinu Zeničko-dobojskog kantona za 2018. godinu, obavljani su prvi sistematski pregledi za 1303 sportista, 114 kontrolnih i vanrednih pregleda, 6 dodatnih pregleda u ukupnom broju pevih pregleda, te izdato 14 specijalnih ljekarskih uvjerenja za sportove visokog rizika (alpinisti, biciklisti i sl.). Pored navedenog treba napomenuti da u ukupnom broju obavljenih sistematskih pregleda postoje i pregledi punoljetnih sportista amatera, koji iziskuju kompleksnije preglede (ergometrija), a samo u drugom polugodištu 2018. godine takvih slučajeva je bilo 120.

Od 01.02.2018. godine na specijalizaciji iz medicine rada i sporta je jedan ljekar.

Jedan ljekar specijalista medicine rada i sporta radi na izradi studije pod nazivom „Kardiovaskularni rizici sportista školskog uzrasta“.

Obzirom da se svi troškovi koji se odnose na finansiranje zdravstvene zaštite sportista ne mogu kvantificirati, utvrđen je proporcionalni iznos troškova koji se odnose na finansiranje zdravstvene zaštite sportista i to u procentu od 9% ukupnih rashoda iskazanih po godišnjem obračunu za 2018. godinu.

Ukupni troškovi finansiranja zdravstvene zaštite sportista izračunati po tom principu iznose 253.698,00 KM, od čega se na bruto plaće uposlenih odnosi 205.742,00 KM ili 81,1%, troškove materijala 21.364,00 KM ili 8,4%, troškove amortizacije 15.408,00 KM ili 6,1%, troškove održavanja opreme, kalibracija, sertifikacija i sl. 6.584,00 KM ili 2,6%, režijske troškove (enrgenti, voda, plin, gorivo i sl.) 3.988,00 KM ili 1,6% i ostale troškove poslovanja 612,00 KM ili 0,2%.

**6. Tekući transfer za Institut za zdravlje i sigurnost hrane Zenica
(ekonomski kod 614100, subanalitika LAX 008)- planirana sredstva u iznosu
62.500,00 KM**

Iz Budžeta Zeničko-dobojskog kantona po tekućem transferu za realizaciju projekata utrošeno je ukupno 62.500,00 KM, što je na nivou planiranih sredstava za 2018. godinu i na nivou izdvajanja u prethodnoj godini

Institut za zdravlje i sigurnost hrane Zenica u 2018. godini radio je na realizaciji sljedećih projekata, koji se dijelom finansiraju iz Budžeta Zeničko-dobojskog kantona za 2018. godinu:

- Praćenje i analiza zdravstvenog stanja stanovništva i funkcionisanja zdravstva

Cilj ovog projekta je steći uvid u zdravstveno stanje stanovništva i funkcionisanje zdravstvenog sistema, kako bi se mogle donositi odgovarajuće odluke i mjere sa ciljem poboljšanja zdravstvenog stanja stanovništva i poboljšanja funkcionisanja zdravstvenih službi i zdravstvenog sistema.

U okviru ovog projekta vršeno je prikupljanje i obrada analitičko-dokumentacione osnove za izrada Informacije o zdravstvenom stanju stanovništva i funkcionisanju zdravstva, te izrada analize o zdravstvenom stanju stanovništva, organizaciji i radu zdravstva i sanitarno-higijenskom stanju sa prijedlogom mjera, grafička priprema, štampanje dokumenta „Informacija o zdravstvenom stanju stanovništva i funkcionisanju zdravstva na području Zeničko-dobojskog kantona u 2017. godini“

Navedena Informacija je odštampana u 400 primjeraka i pripremljena za prezentaciju Skupštini Zeničko-dobojskog kantona.

Na navedenom projektu angažovani su doktor specijalista (529 sati rada), VSS zdravstveni tehničar (39 sati), VS zdravstveni tehničar (20 sati) i diplomirani inženjer (39 sati).

- Prikupljanje i obrada zdravstveno- statističkih podataka i statistička istraživanja u zdravstvu

Na osnovu Programa statističkih istraživanja od interesa za Federaciju Bosne i Hercegovine postoji lista određenih statističkih istraživanja u oblasti zdravstva.

Institut za zdravlje i sigurnost hrane Zenica je zadužen da, prema utvrđenoj metodologiji, vrši prikupljanje određenih zdravstveno- statističkih podataka, obrađuje ih i prosljeđuje Federalnom zavodu za javno zdravstvo. U tom smislu izvršeno je prikupljanje i kvartalna obrada petnaest periodičnih izvještajnih obrazaca (od čega se 2 rade jednom godišnje) sa preko 200.000 podataka, kontinuirano prikupljanje i obrada tri individualna izvještajna obrasca, kvartalno dostavljanje pedeset četiri izvještajna obrasca Federalnom zavodu za javno zdravstvo sa oko 200.000 podataka, prilagodba izvještajnih podataka za potrebe Fonda zdravstvenog osiguranja, kontinuirano učešće u obradi obrazaca prijave smrti (DEM-2) u saradnji sa Službom za statistiku, te pružanje stručno- metodološke pomoći zdravstvenim organizacijama u poslovima vođenja medicinske dokumentacije i statističkih izvještaja.

Na navedenom projektu angažovani su doktor specijalista (392 sati rada), VSS zdravstveni tehničar (588 sati) i SSS zdravstveni tehničar (2254 sati).

- Antirabična zaštita

Cilj ovog projekta je spriječiti oboljevanje stanovništva od bjesnila. Priroda oboljenja od bjesnila nalaže preuzimanje preventivnih mjera prema epidemiološkim indikacijama. Antirabična zaštita, pored organizacije rada i poduzimanja preventivnih mjera na zaštiti stanovništva od zaraznih bolesti, podrazunijeva i vršenje antirabičnog cijepljenja i vođenje potrebne dokumentacije. U okviru ovog projekta potrebno je pratiti epizootiju bjesnila među životinjama, organizovati usku saradnju sa veterinarskom službom u cilju nadzora nad poznatim životinjama i eliminacije životinja alutalca. Na realizaciji projekta su angažovani radnici Službe za epidemiologiju i to doktor specijalista (372 sati rada) i VŠ zdravstveni tehničar (451 sati rada).

- Nadzor nad akutnom flakcidnom paralizom

Svrha ovog projekta je rana detekcija eventualno uvezenog divljeg polio virusa, jer samo rana dijagnoza omogućava brz odgovor.

U okviru ovog projekta provodi se aktivni i pasivni nadzor na AFP među djecom od 0-15 godina starosti. Nadzor nad akutnom flakcidnom paralizom ima za cilj:

- rano identificirati polio virus,
- pokazati odsustvo divljeg polio virusa i
- pokazati da nadzor zadovoljava nivo potreban za certifikaciju.

Aktivni nadzor je obavljen 45 puta obilaskom dječijih odjeljenja u bolnicama na području Zeničko-dobojskog kantona, kao i na Infektivnom odijeljenju Kantonalne bolnica Zenica. Angažovan je doktor specijalista (20 sati rada), VSS zdravstveni tehničar (20 sati rada) i VŠ zdravstveni tehničar (39 sati rada).

- Nadzor nad HIV/AIDS

HIV/AIDS predstavlja značajan problem u svijetu, a iako to kod nas nije slučaj, potrebno je poduzimati održane preventivne aktivnosti.

Cilj ovog projekta je držati pod nadzorom HIV/AIDS i prevenirati njegovo širenje.

Aдекватna HIV/AIDS strategija povezuje prevenciju, tretman i njegu i podršku osobama sa HIV infekcijom.

Federalno ministarstvo zdravstva je imenovalo epidemiologa iz Instituta za zdravlje i sigurnost hrane za koordinatora za HIV/AIDS za Zeničko-dobojski kanton. Obaveze koordinatora su: vođenje evidencije o HIV infekcijama i AIDS-u, organizovanje i provođenje programa prevencije u saradnji sa zdravstvenim ustanovama i nevladinim sektorom, dostavljanje prijave o oboljenju, odnosno smrti osoba od HIV/AIDS-a saglasno Pravilniku o načinu prijavljivanja HIV/AIDS-a u FBiH, poduzimanje mjera u cilju pružanja psihosocijalne podrške osobama koje žive sa HIV-om, savjetovanje osoba sa rizičnim ponašanjem itd.

Na navedenom projektu je angažovan doktor specijalista (20 sati rad), VSS zdravstveni tehničar (39 sati) i VŠ zdravstveni tehničar (39 sati).

Prema podacima iz Izvještaja o realizaciji projekata Instituta za zdravlje i sigurnost hrane Zenica, koji je dostavljen Ministarstvu zdravstva, troškovi po svakom pojedinačnom projektu su sljedeći:

Vrsta troškova	Praćen je zdravst venog stanja stanov ništva	Prikup ljanje i obrada zdravst veno- statisti čkih podata ka	Nadzo r nad HIV/A IDS	Antira bična zaštita ljudi	Nadzo r nad AFP	Ukupno
Bruto primanja zaposlenih	15.174	39.087	1.690	8.617	1.380	65.948
Troškovi grafičke pripreme, štampanja i distribucije	978	0	0	0	0	978
Indirektni troškovi	4.846	11.726	507	2.585	414	20.078
UKUPNO svi projekti	20.998	50.813	2.197	11.202	1.794	87.004

Za realizaciju navedenih projekata utrošeno je ukupno 87.004,00 KM, od čega je iz Budžeta Zeničko-dobojskog kantona obezbjeđeno 75,8% ukupno potrebnih sredstava.

IV UTROŠAK SREDSTAVA „TEKUĆI TRANSFERI NEPROFITNIM ORGANIZACIJAMA - planirana sredstva u iznosu 10.000,00 KM

Budžetom Zeničko-dobojskog kantona za 2018. godinu planirano je na godišnjem nivou 10.000,00 KM za „Tekući transfer udruženjima – dobrovoljno darivanje krvi“, kojim je prema Programu utroška sredstava planirana potpora Crvenom križu Zeničko-dobojskog kantona. Ista nije realizovana obzirom da nisu dostavljeni Izvještaji o poslovanju za prethodnu godinu, kako je zahtijevalo Ministarstvo zdravstva.

MINISTAR

dr Adnan Jupić

